



**MEKTER  
NIVO I**





بِسْمِ اللّٰهِ الرَّحْمٰنِ الرَّحِیْمِ

ISLAMSKA ZAJEDNICA U BOSNI I HERCEGOVINI  
ISLAMSKA ZAJEDNICA BOŠNJAKA U ŠVEDSKOJ

## Sadržaj

Euzubillah Bismillah	1
Rabbi jessir	2
Kelimei šhadet	3
Čistoća	4
Abdest i abdestski šarti	5
Subhaneke	6
Sura El-Fatiha	7
Šta je islam?	8
Islamski šarti	9
Muslimanski pozdrav	10
Ko nam je uzor?	11
Sura En-Nas, sura EL-Felek	12
Mekteb - šta je to?	13
Kako jedemo?	14
Sura El-Ihlas	15
Pitanja	16

Izdavač:

Islamska zajednica Bošnjaka u Švedskoj  
Adresa: Åkerssjövägen 10, 461 53 Trollhättan  
Tfn: 0520 49 90 64 Mobil: 076 310 24 47

E mail: kontakt@izb.se

www.izb.se

أَعُوذُ بِاللَّهِ مِنَ الشَّيْطَانِ الرَّجِيمِ

بِسْمِ اللَّهِ الرَّحْمَنِ الرَّحِيمِ

Musliman i muslimanka svaki svoj posao započinju s Allahovim imenom, i izgovaraju:

**E`UZU BILLAHI MINE-Š-ŠEJTANI-R-RADŽIM**

O Allahu, sačuvaj me od prokletog šejtana

**BISMILLAHI-R-RAHMANI-R-RAHIM**

U ime Allaha Milostivog Samilosnog





# RABBI JESSIR

Lijepo je da muslimani i muslimanke prije svakog dozvoljenog i korisnog posla prouče i ovu dovu:

RABBI JESSIR  
VE LA TUASSIR  
RABBI TEMMIM  
BIL HAJR. AMIN!

**Prevod:**  
Bože olakšaj  
a ne otežaj!  
Bože završi  
dobrim!  
AMIN

# KELIMEI ŠEHADET

Da bi neko bio musliman ili muslimanka potrebno je da srcem vjeruje i jezikom potvrdi – izgovori, da je samo Allah Bog i da je Muhammed, a.s., Allahov poslanik.

To izgovaramo ovako:

أَشْهَدُ أَنْ لَا إِلَهَ إِلَّا اللَّهُ  
وَأَشْهَدُ أَنَّ مُحَمَّدًا عَبْدُهُ وَرَسُولُهُ

EŠHEDU EN LA ILAHE ILLALLAH,  
VE EŠHEDU ENNE MUHAMMEDEN  
ABDUHU VE RESULUHU

Prevod:

Ja vjerujem da nema drugog boga osim Allaha dželleša`nuhu,  
i vjerujem da je Muhammed, a.s., Božiji rob i Božiji poslanik





# ČISTOĆA

U Kur'anu, Allah, dž.š., kaže:  
„... zaista Allah voli one koji se kaju i voli one koji se mnogo čiste!“

Uzvišeni Allah nam je dao vodu da je pijemo i njom se čistimo.

Mi trebamo uvijek biti uredni i čisti.

Lična higijena je čistoća našeg tijela i odjeće.

Ona nam pomaže da budemo lijepi i zdravi.

REDOVNO SE  
KUPAMO



PEREMO RUKU PRIJE  
I POSLIJE JELA



REDOVNO ČEŠLJAMO  
I NJEGUJEMO KOSU



PEREMO ZUBE  
NEKOLIKO  
PUTA NA DAN



ABDESTIMO SE PRIJE  
SPAVANJA ILI BAR  
OPEREMO NOGE



OBALAČIMO SAMO  
ČISTU ODJEĆU



KORISTIMO  
MARAMICU



REDOVNO  
PODREZUJEMO  
NOKTE



PRANJE U TOALETU POSLIJE MALE I VELIKE NUŽDE JE VAŽNO ZA ČISTOĆU!

# ABDEST

Čistoću tijela postižemo i uzimanjem abdesta  
Abdest ima 4 šarta (uslova da bude ispravan).

To su:

1. oprati lice
2. oprati ruke do laktova
3. učiniti mesh (mokrom rukom potirati kosu)
4. oprati noge (prvo desnu pa lijevu).

Kada želiš uzeti abdest, zanijeti ga srcem, jer se djela vrednuju prema nijjetu, i prouči:

## BISMILLAH-I-R-RAHMANI-R-RAHIM



OPEREMO RUKU DO  
IZNAD ŠAKA TRI PUTA



ISPEREMO USTA I GRLO  
TRI PUTA



ISPEREMO NOS TRI PUTA



UMIJEMO LICE TRI PUTA



OPEREMO DESNU I LIJEVU RUKU DO IZNAD LAKTA  
PO TRI PUTA



POTAREMO MOKROM  
RUKOM NAJMANJE  
ČETVRTINU GLAVE-MESH



OPEREMO UŠI IZNUTRA  
I SPOLJA



POTAREMO VRAT JEDAN  
PUT VANJSKOM  
STRANOM PRSTIJU



OPEREMO DESNU NOGU  
DO IZNAD ČLANAKA



OPEREMO LIJEVU NOGU  
DO IZNAD ČLANAKA

Nakon uzimanja  
abdesta lijepo je  
proučiti  
kelime-i šehadet!

Allahov poslanik, sallallahu alejhi ve sellem, kaže:  
“Nema abdesta onaj ko prilikom njegovog uzimanja nije spomenuo Allahovo ime.”

# SUBHANEKE

BISMILLAHİ-R-RAHMANİ-R-RAHİM

SUBHANEKE  
ALLAHUMME  
VE BI HAMDİKE  
VE TEBARE KESMUKE  
VE TE`ALA DŽEDDUKE  
VE LA İLAHE GAJRUKÉ



Prevod:

U ime Allaha, Milostivog, Samilosnog!  
Neka si slavljen Allahu!  
Neka Ti je svaka hvala!  
Slavljeno je Tvoje ime,  
nedostižna je Tvoja veličina.  
Osim Tebe drugog boga nema

Rekao je Uzvišeni Allah:

“Sjećajte se vi Mene, pa ću se i Ja sjećati vas.

I zahvaljujte Mi, a ne budite Mi nezahvalni” (El-Bekare, 152.).



# SURA EL-FATIHA

بِسْمِ اللَّهِ الرَّحْمَنِ الرَّحِيمِ  
الْحَمْدُ لِلَّهِ رَبِّ الْعَالَمِينَ ۝ الرَّحْمَنِ الرَّحِيمِ ۝ مَلِكِ  
يَوْمِ الدِّينِ ۝ إِيَّاكَ نَعْبُدُ وَإِيَّاكَ نَسْتَعِينُ ۝  
أَهْدِنَا الصِّرَاطَ الْمُسْتَقِيمَ ۝ صِرَاطَ الَّذِينَ أَنْعَمْتَ عَلَيْهِمْ  
غَيْرِ الْمَغْضُوبِ عَلَيْهِمْ وَلَا الضَّالِّينَ ۝

BISMILLAHI-R-RAHMANI-R-RAHIM

EL-HAMDULILLAHI RABBIL-ALEMIN.

E-R-RAHMANI-R-RAHIM.

MALIKI JEVMID-DIN.

IJJAKE NA`BUDU

VE IJJAKE NESTE`IN.

IHDINES-SIRATAL-MUSTEKIM.

SIRATALLEZINE EN`AMTE `ALEJHIM,

GAJRIL-MAGDUBI `ALEJHIM,

VE LED-DALIN. AMIN

Prevod:

U ime Allaha, Milostivog, Samilosnog!

Tebe, Allaha, Gospodara svjetova, hvalimo,  
Milostivog, Samilosnog,  
Vladara Dana sudnjeg,  
Tebi se klanjamo i od Tebe pomoć tražimo!  
Uputi nas na Pravi put,  
na Put onih kojima si milost Svoju darovao,  
a ne onih koji su protiv sebe srdžbu izazvali,  
niti na put onih koji su zalutali!

# ŠTA JE ISLAM?



ISLAM je vjera koju je ALLAH objavio svim ljudima preko svoga poslanika MUHAMMEDA, a.s.

Riječ ISLAM je arapska riječ i znači "poslušnost".

ISLAM nas uči da postoji samo jedan Bog, ALLAH, koji je stvorio sve što postoji, sve što vidimo i što ne vidimo, što znamo i što ne znamo.

ISLAM znači poslušnost Allahu, Gospodaru svemira, ljudi i svih bića koja postoje.

ISLAM znači i poslušnost Allahovom poslaniku Muhammedu, a.s.



Ljudi koji vjeruju u ALLAHA, dž.š. i pokoravaju Mu se, zovu se MUSLIMANI.



# ISLAMSKI ŠARTI

Islamski šarti, ili stubovi na kojima islam stoji su:

1. Šehadet:  
EŠHEDU EN LA ILAHE ILLALLAH  
VE EŠHEDU ENNE MUHAMMEDEN  
ABDUHU VE RESULUHU

2. Klanjati pet vakata  
namaza svaki dan



3. Postiti mjesec  
ramazan



4. Davati zekat

5. Obaviti hadž

# MUSLIMANSKI POZDRAV



Prilikom susreta svi ljudi na svijetu se pozdravljaju.  
Mi muslimani imamo naš, muslimanski pozdrav.

Koji je naš, muslimanski pozdrav?

Muslimanski pozdrav je **SELAM**

Kako se naziva i odgovara na selam?

Selam se naziva riječima:

**Es-selamu alejkum!**

Neka je mir i spas tebi/vama!

Na selam se odgovara:

**Alejkumus-selam**

Neka je i tebi/vama mir i spas!



# KO NAM JE UZOR?

Svima treba uzor, primjer - neko ko zavređuje da mu se divimo!

## RAZMISLI!

Oponašamo osobe kojima se divimo i s vremenom postanemo poput njih. To može biti dobro, ali i loše, ovisno o tome ko nam je uzor, koga oponašamo.

## GDJE JE PROBLEM?

Mnogi oponašaju pogrešne osobe, kao što su, sportisti, glumci i pjevači... — čak i ako su poznati po vrlo nemoralnom načinu života.

## KO JE NAMA NAJBOLJI UZOR!?

Doista je poslanik, Muhammed, s.a.v.s., najbolji uzor za sva vremena i mjesta, i najbolja inspiracija za sve čestite ljude svijeta.

Ne čudi nas zaista što je Uzvišeni Allah rekao u Kur'ani-Kerimu:

"Vi u Allahovom poslaniku imate najljepši uzor, za onoga koji se nada Allahovoj milosti i nagradi na onom svijetu i koji često Allaha spominje". (sura El-Ahzab, 21)

Enes, radijallahu anhu prenosi da, kada god bi Poslanik, sallallahu 'alejhi ve sellem, prošao pored djece na putu, on bi im se nasmiješio i nazvao im selam.



## SURA EN-NAS

BISMILLAHI-R-RAHMANI-R-RAHIM

KUL EUZU BI RABBIN – NAS  
MELEKIN – NAS ILAHIN – NAS  
MIN – ŠERRIL – VESVASIL-HANNAS,  
ELLEZI JUVESVISU FI SUDURIN – NAS  
MINEL - DŽINNETI VEN – NAS.

Prevod

U ime Allaha, Milostivog, Samilosnog!

Reci: Tražim zaštitu Gospodara ljudi,  
Vladara ljudi, Boga ljudi  
od zla šejtana napasnika  
koji zle misli unosi u srca ljudi,  
od džina i od ljudi!



## SURA EL-FELEK

BISMILAHI-R-RAHMANI-R-RAHIM

KUL EUZU BI RABBIL-FELEK,  
MIN ŠERRI MA HALEK,  
VE MIN ŠERRI GASIKIN IZA VEKAB,  
VE MIN ŠERRIN – NEFFASATI FIL-UKAD,  
VE MIN ŠERRI HASIDIN IZA HASED.

Prevod:

U ime Allaha, Milostivog, Samilosnog!

Reci: Tražim zaštitu Gospodara svitanja  
od zla onoga što On stvara  
i od zla mrkle noći kada razastre tmine  
i od zla smutljivca kad smutnje sije  
i od zla zavidljivca kad zavist ne krije!





# MEKTEB – šta je to?

**MEKTEB** je islamska vjerska škola.

U **mektebu** se djeca uče i podučavaju islamu i islamskim propisima.

- uče se o islamskom načinu života,
- o ponašanju u društvu,
- osnovama arapskog pisma (čitanje, pisanje i izgovor),
- osnovama gramatike arapskog jezika,
- te učenju (pravilnom čitanju) Kur'ana.

Iz brojnih hadisa na temu roditeljske obaveze islamskog odgoja djece izdvajamo:

**Roditelj je obavezan prema djetetu:**

- "da mu dā lijepo ime, da ga lijepo odgoji, da ga poduči..."
- "Ne može roditelj ostaviti niti pokloniti svome djetetu ništa bolje od lijepog odgoja."
- "Poštujte svoju djecu i lijepo ih odgajajte."



# KAKO JEDEMO?

Musliman i muslimanka trebaju voditi računa da pripremljena hrana i piće budu halal.



PEREMO RUKU PRIJE I  
POSLIJE JELA



PROUČIMO BISMILLU I JEDEMO  
DESNOM RUKOM



JEDEMO ZAJEDNO SA PORODICOM



NE GOVORIMO DOK NAM JE  
HRANA U USTIMA



NE JEDEMO VRELU HRANU



POSLIJE JELA ZAHVALJUJEMO  
ALLAHU RIJEČIMA  
„EL-HAMDU LILLAHI“  
(„HVALA ALLAHU“)



NAKON JELA POSPREMAMO  
SUĐE I OSTATKE HRANE



POSLIJE JELA PEREMO ZUBE



# SURA EL-IHLAS

بِسْمِ اللَّهِ الرَّحْمَنِ الرَّحِيمِ  
قُلْ هُوَ اللَّهُ أَحَدٌ ۝ ۱ اللَّهُ الصَّمَدُ ۝ ۲ لَمْ يَكِلِدْ  
وَلَمْ يُولَدْ ۝ ۳ وَلَمْ يَكُنْ لَهُ كُفُوًا أَحَدٌ ۝ ۴

BISMILAHİ-R-RAHMANI-R-RAHİM



KUL HUVALLAHU EHAD  
ALLAHUS-SAMED,  
LEM JELID,  
VE LEM JULED,  
VE LEM JEKUN LEHU  
KUFUVEN EHAD.

Prevod:  
U ime Allaha, Milostivog, Samilosnog!

Reci: On je Allah - Jedan!  
Allah je Utočište svakom!  
Nije rodio i rođen nije,  
i niko Mu ravan nije.

# PITANJA

1. Na koji način musliman i muslimanka započinju svaki svoj posao?
2. Nauči E'uzubillu i bismillu i prevod na bosanskom jeziku!
3. Nauči Rabbi jessir i prevod!
4. Da bi neko bio musliman šta je potrebno?
5. Nauči kako izgovaramo šehadet i prevod na bosanski jezik!
6. Zašto nam je Allah dao vodu?
7. Na koji način održavamo ličnu higijenu?
8. Na koji način uzimamo abdest?
9. Nauči subhaneke i prevod na bosanski jezik!
10. Nauči suru El-Fatiha!
11. Kako se zove naša vjera i šta smo mi po vjeri?
12. Šta je islam i šta znači riječ „islam“?
13. Nauči islamske šarte!
14. Kako glasi muslimanski pozdrav i kako se odgovara?
15. Ko je nama najbolji uzor i od koga učimo kako ćemo se ponašati i živjeti?
16. Nauči suru En-Nas!
17. Nauči suru El-Felek!
18. Šta je mekteb i šta djeca uče u mektebu?
19. Šta je obavezan roditelj prema djetetu?
20. Opisati na koji način pristupamo jelu, kako jedemo i završamo sa jelom?
21. Nauči suru El-Ihlas!





